

DISPUTATIO INAUGURALIS MEDICA 30
DE
VOMITU AQUÆ
EX GULA,

Vulgo:
Werk- oder Gallen-Wasser;

Quam
AUSPICE SUMMO
DECRETO ET AUTHORITY INCLYTI MEDICORUM
ORDINIS IN ALMA HAC ET ANTIQUISSIMA
EBERHARDINA,
PRÆSIDE

VIRO NOBILISSIMO, EXCELLENTISSIMO, ET EXPE-
RIENTISSIMO, DOMINO,
DN. ELIA RUDOLPHO
CAMERARIO,

Phil. & Med. D. & P. P. Ordinario, Facult. h. t.
DECANO Spectatissimo, Sereniss. Duc. Wür-
temb. Archiatro & Consiliario,
Fautore, Patrono & Præceptore suo colendissimo,
PRO LICENTIA.

Summos in Medicina Honores, Privilegia & Insignia
DOCTORALIA
ritè legitimeque consequendi,
Publico & solenni Examini submitit,
Ad diem Septembris.

IN AULA NOVA,
MELCHIOR FRIDERICUS Geuder/
Nördlinga-Rhærus.

TUBINGÆ,
TYPIS Viduæ JOHANN-HENRICI REISL,

ANNO MDCCLXXVII

Digitized by the Internet Archive
in 2019 with funding from
Wellcome Library

<https://archive.org/details/b3076757x>

P R O Æ M I U M.



Um ex more recepto post *exant-*
lata examina Publicum edere *Specimen* jube-
 or, hac Disputatione excussum affectum
 Tibi sisto, B. L. utut ejus in scriptorum
 monumentis rara injiciatur mentio, in
 praxi tamen haud infrequentem, ex Ex-

cell. DN. D. Præsidis (cui, quantum mea debeant stu-
 dia, nunc tacita potius veneratione prosequi, quam o-
 peroso verborum ambitu, eoque tamen insufficienti
 complecti, par erit) observatione. Cum autem ne pro-
 fuse quidem fari, nedum copiose præfari pagellarum
 angustiis circumscripto liceat, id unicum contendo, ne,
 si hoc thema minus forsan concinne & accuratè elabo-
 ratum videatur, vitio statim vertas, sed ætati, qua & ju-
 dicio & experientiam multum adhuc impediri lu-
 bens fateor, tantillum indulgeas, nec minus Auctorum,
 quorum vestigiis potuissem insistere defectui aliquid tri-
 buas. Sit ergo.

§. I.

Non arbitror esse necessum, ut multum temporis chartæque
 perdam in operosa *nominum* enodatione *Philologica*, eorun-
 demque ubere explicatione; cum, quid *Vomit* in genere, quid
Vomit Aquæ, sive feri sibi velint? neminem, vel leviter rudi-
 mentis Medicinæ imbutum latere possit. Hoc tamen *monendum*
 duco, me vocem *Vomit* alias ventriculi affectum dicentem, in
 significatione minus quidem usitata, non absorta tamen, nec pror-
 sus non analogâ adhibere, prout comparisonem inter utrumque
 affectum instituenti patebit.

§. II.

Id autem *primum* mihi datum negotii existimo, ut affectus hujus *historiam* ante omnia oculis exponam: Homines potissimum *temperamento* gaudentes bilioso, aliquando melancholico, quorumque sanguinem particulæ acres, & Æia peregrina inficiunt, *parum appetentes*, vini vel *Æus* ipsius potui nimis dediti, vel illud jejuno haurire stomacho soliti, vel etiam, qui alias *minus assueti* per unum alterumve diem liberius paullo *Libero Patri* litant, mane, excusso somno, cum ore *fauces* habent *siccissimas*, molesti quid in faucibus, ac infra illas, quodque glutinosum quasi tenaciter hæreat, sentiunt, in parte scrobiculo cordis superiori inque principio nonnunquam faucium, per quadrantem horæ & ultra adeò irritans, ut non solum ipsi ægri *excreatione* summo conatu illud educere tentent, sed & ipsa natura magna vi ad *superiorem* usque *conatu* à vomendi conatu diverso ejus moliatur *expulsionem*, usque dum *seri tenuis*, modo insipidi, nonnunquam acidi, aliquando biliosi amaricantis, exigua, plerumque quantum *unum* excipit *cochlear*, nonnunquam *duo* vel *tria*, portio ejiciatur. Vulgus id *serum* appellare solet, *das Gallen-Wasser* / ratione nominis deducta à *sapore* plerumque bilioso-amaro: Alii vocant, *das Herk-Wasser* /cujus nominis non adeò patet ratio, nisi quod forsan quidam ea, sed absurda ducantur opinione, fontem hujus aquæ in pericardio liquorem quendam *seri sobolem* continentem, quærendum esse; vel quod illa irritatio molesta frequenter circa cordis vulgò dictum scrobiculum sentiatur.

§. III.

His præmissis describo hunc morbum, quod sit *excretio per os humoris serosi*, descripto modo se habentis, à fibrarum gulæ musculosarum contractione *spasmodica*, ob mucum gulæ irritantem *proficiscens*. Varie posset hic morbus definiri, vel per *actionem depravatam*, vel per *morbum solutæ unitatis*, aut *autæ magnitudinis*.

§. IV.

Quia autem in definitione affectus dicitur *excretio humoris serosi per os*, necessum erit, cum variae ejusmodi *excretionum species* libros Medicorum occupent, quasdam enarrare, & ab hoc affectu

affectu distinguere. Motus ergò convulsivus fibrarum gulæ statim dicit non intelligi hic 1. *illam excretionem seri per os, quam Ptyalismum vocant, dum saliva vel ob materiæ copiam, vel glandularum secernentium laxitatem, aut aliam quamcunque labem, vel ob seri per medicamenta, & alia præfertim, fusionem, attenuationemque per ductus salivales Warthonianos, Stenonianos, Riviniano-Bartholinianos, & Nukianos, ab Inventoribus ita dictos, nec non alia vasa glandularum secretioni salivæ ministrantium excretoria* (ab Excell. Dn. D. J. M. Hoffmanno, Jun. P. P. Altorffino, b. t. ibid. Rector. Magnif. Præceptore & Fautore meo honoratissimo, nec non à B. Lossio peculiaribus de Saliva Disputationibus accuratissimè descripta) copiosè in cavitatem oris deposita, crebram sine tussi sreatu & vomitu expuitionem inducit. Nec 2. *illam, quam tum vomituriæ, tum oscitantes experimus sæpè, quando glandulis & ductibus salivalibus à musculis compressis saliva extra os, nonnunquam ad aliqualem distantiam profilit.* vid. Nük. de ductu salival. nov. c. 2. p. 46. Nec 3. *illam, quam in studioso observavit laudatus Lossius, ex cujus uvula limpida & aquosa materia cum impetu exiliit.* Nec 4. *illam, dum cum sreatu & tussi serum ex minutis asperæ arteriæ glandulis, vel aliunde in partes respirationi dicatas derivatum ejicitur.* Nec 5. hic *vomitum aqueum à ventriculo contingere itidem solitum intelligi, docet molestiæ locus, & aquæ ejici solitæ exigua quantitas: non tamen nego, utrumque aliquando jungi.* Quorsum referenda sit observatio Hanemanni, in Ephem. Curios. Dec. 2. Ann. 4. obs. 108. p. 207. annotata, ob omiffas potissimas & summè necessarias circumstantias determinari nequit.

§. V.

Sed pergo ad propositum affectum, cujus Subjectum inhesionis est canalis ille, ori ad ventriculum usque continuus, Oesophagus & Gula dictus, nervis, arteriis, venis, vasisque lymphaticis præditus, ex tribus juxta nonnullos, ex quatuor, quinque imò sex secundum alios tunicis constans, exteriori communi, à plerisque à Peritonæo, à Willisio à diaphragmate, à Diemerbrækiò & Blasio à Pleura derivata: altera carnosa, & veluti musculosa, (quam duplicem facit sex numerans Blasius,) fibris longitudinalibus,

transversis oblique ascendentibus & descendentes pro subiecto-
rum varietate variis instructa. Cui subjacet tertia in lamellas va-
rias divisibilis, à *Blasio* in Oesophago vitulino, *Bohno* in canino
notata, inque bovino nuper à me visa, membranacea. (vid. *Blas.*
Anat. Anim. & Bohn. Colleg. Anat. experim. Msc.) Quarta ner-
vea, membranæ os faucesque succingenti continua, post levem e-
lixationem tendinea & quasi cartilaginea eodem *Bohno* teste e-
vadens, crustaque villosa tenuissima veluti lanugine obducta,
quam nonnulli, (forsan non inconcinne,) quintam constitutere tu-
nicam contendunt. Nervea tunica ablata conspectui se sistunt
glandulæ plurimæ miliares, cœtui congregatarum secundum no-
vam *B. Lossii* in *Disp. de glandul. in gen.* divisionem annumeran-
dæ, vasis excretoriis veluti foraminulis exiguis apparentibus sin-
gulæ præditæ, pressæque humorem quendam stillantes, nec ve-
teribus, quantum ex *Tb. Janson. ab Almeloveen invent. nov. an-
tiq. §. 18. p. 161.* colligere est, penitus ignotæ, accuratius tamen
notatæ ab eodem *Lossio*, *Wepfero*, *Hardero*, *Brunnero*, *du Ver-
ney*, *Craano*, *Broen*, *Kœnigio*, & diversis in scriptis descriptæ:
melius & facilius observandæ si nervea divulsa tunica carnea lu-
ci opponatur secundum *du Verney*, vel gula in aqua maceretur,
vel microscopio subjiciatur, secundum *Wepferum* & *Kœnigium*.
Prioribus duabus enchirisis contentum me esse jubebat micro-
scopii defectus, quibus adhibitis in gula ex animali recens ma-
tato desumpta promte in conspectum venerunt. Sed aurem quis
vellicat; has glandulas non minus ac stomachicas in brutorum
tantum, non hominum cadaveribus esse repertas: Verum enim-
verò præterquam quod perpetua ferè corporis inter humani & ple-
rorumque brutorum structuram internam intercedat analogia, quæ
objici potest, de illarum in corpore humano quoque existentia ex
hoc solo dubitare nollem, nec illum nodum in scribo quæsiturum
statim dicerem, qui illas ut & stomachicas (quas in fœmina fluo-
re uterino laborante, *Muraltus*, in infantibus *du Verney* se vidisse
referunt: vid. *Bonet. Anat. Pr. l. 3. S. 36. p. 1353. & Journal
des sçavans. Ann. 78. m. Aug. p. 372.*) in humanis cadaveribus
curatius investigare conaretur; utut non desit dubitandi ansa, an
facile nudo præsertim oculo quis illas sit visurus, post mortem
quippe

quippe flaccescentes, eo ferè modo, quo pinealis glandula in canibus à nonnullis eapropter deesse credita (quam tamen, si primo statim caput inspiciatur, apparere, ex relatione *Amici* didici) flaccescit, & instar membranæ concidit; quod ex eo evadit probabilius, quod hæ ipsæ glandulæ in Oesophago brutorum altero post extractionem die nudo oculo inspecto tantum non frustra quærantur. Et si *glandulas vasorum lymphaticorum* stamina appello æternumque *glandulas* inter & *vasa lymphatica* commercium cum *Stenone*, *Wedelio* aliisque urgeo; *vasorum lymphaticorum* in Oesophago etiam conspectorum præsentia egregium pro stabilienda *glandularum* existentia subministrat argumentum.

§. V I.

Causa est fibrarum tunice œsophagi carnosæ contractio spasmodica, ab irritatis Œbus animalibus dependens: Res verò irritans est mucus alias naturaliter gulam oblinens, aliquando quantitate deficiente, aliquando qualitate, dum non blanda roscida sua substantia humectat, sed particulis acribus, acutis, cuspidatis, rigidis, rodendi, pungendi, vellicandi vi gaudentibus præditus est, aliquando utraq; peccans.

§. V I I.

Hæc ut eo melius intelligantur, inconcinnum non erit, *seri conditionem* in statu naturali paucis proponere. Constat ergò ex *Physiologicis* 1. fluidum illud eleganti se rubedine commendans, quod massam solemus nominare sanguineam, ex duabus partibus constare; *una* purpurea sulphureo-salina purissima, & maximè exaltata, secundum *Lewenhokium*, *Cass.* *Bartholinum*, *Syen*, *Brunnerum*, *Bohnium*, *Kænigium*, & *alios*, sub minimorum globulorum in continuo motu nunc sursum nunc deorsum, nunc ad latera tendentium schesi apparente; *altera* (quæ experimentis *Boylei in appar. ad histor. sangu. hum.* & *Bohnii in Lips. Act.* enarratis potissimam ejus constituit partem) seroso-gelatinosa, mucilaginoso, quæ post pastum chylosa, alias verò crystallina pellucide gaudens observatur, & fibrarum quoque sanguini vulgo tributarum auctor est, transvectionem prioris insuper juvans. Constat 2. portionem hujus postquam illam ope fibrarum cordis muscularium in arterias propulsam tanquam individuus comes, ad extre-

extremities utque arteriarum secuta fuerit pro nutritione partium una cum illa, & pro humectatione & oblatione ipsarum hinc inde deponi; aliam in variis glandulis secerni, vel sanguineæ massæ ad varios usus præstandos, sive immediatè, sive mediatè reaffundendam, vel è corpore eliminandam; aliam cum dictis globulis venas intrare; reliquam tandem venas intrare non valentem vasis sic dictis lymphaticis à *Tb. Bartholino*, si non primum visis, primum tamen erudito orbi communicatis ac descriptis in interstitia fibrarum desinentibus, & ex mechanica quadam secundum *Schelhammeri* placitum, necessitate venis in officio reducendi associatis se insinuare, & vel immediatè magis per lymphatica nempe jugularia & axillaria descendencia nominata, vel mediante ductu thoracico cum sanguine venæ subclaviæ & jugularis ad sanguinis fontem, Cor videlicet redire, sicque suum peragere circuitum. Constat 3. serum à quibusdam glandulis secretum glutinosum quasi ac mucosum per membranas partium cavarum diffusum easdem humectare & oblinire. Constat denique ex Pathologicis, dictam partem serosam esse salium receptaculum, adque illa in sinu suo gerenda aptissimum.

§. V I I I.

His ita, quantum instituti permittit ratio, suppositis & consideratis, haud erit difficile, *modum quo morbus hic producitur*, probabiliter saltem deducere, modo mox dicendo. Dum nempe serum inevitabili circulationis lege cum sanguine ad Oesophagum quoque defertur, ut pars pro nutritione relinquatur, alia à glandulis dictis separetur, pro oblinenda gula mucosque singulas ejus membranas nerveam potissimum perfundente ac humectante, ipsi obducendo, reliqua partim per venas, partim per vasa lymphatica ad cor redeat; illud v. particulis sulphureo-salinis biliosis vel aliis acribus imprægnatum est, mucum talibus tinctum relinquit, (ille enim mucus nil nisi serum est) & accusatæ particule singulæ absorberi aut revehi nequeunt; Mucus ergò vel ob seri vitium, cuius soboles est, vel ob ipsarum glandularum suo non debitè fungentium officio culpam, vel à transmissis per os ad gulam (quod aliquando fit) acris redditus distendendo, vellicando, aliove quovis modo irritat, ut à fibris muscularibus spasmodicè contractis
serum

serum, quod in vasis lymphaticis glandulis ac dicendis locis continebatur, mox extorqueatur, sursum pellatur, & per os excernatur. Annon hydatides etiam ab ejusmodi stagnatione & motu feri impedito oriundæ hic quoque oriri possint & irritare, usque dum ruptæ contentum cogantur evomere humorem, aliis judicandum reliquo: de hoc tamen non dubitans, illi sero, quod in hoc affectu excerni cernimus, non nihil salivæ ob glandulas & vasa salivalia sub illo conatu & expulsionem à musculis compressa, linguæque agitationem majorem & frequentiore, accedere & una ejici. Addidi supra etiam *vitium quantitatis deficientis*, dum enim gula isto mucositate denudata nec sufficienter obducta est, nervæ fibrillæ facillimè irritantur & spasmodica constrictione serum ex dictis locis extrudunt. Ista autem loca sunt modò glandularum (accidente earum laxitate & debilitate, aut etiam vasculorum excretoriorum in cavitatem gulæ hiantium ob siccitatem & calorem arefactione, constrictione, angustatione & obstructione) areolæ, modo vasa lymphatica, (quæ in statu naturali non nisi revehentia, quin coacta pressa in p. n. contentum evomant, nullus dubito) modo tunicarum quartæ præprimis & quintæ interstitia. (cui meditationi ansam dedit *Albinei & Wepferi* de causa boli in faucibus ab hysterice potissimum sentiri soliti, conjectura, vid. *Wepf. Histor. Cic. aquat. c. 20. p. 260. § 267.*)

§. I X.

Nec reliquorum præsentium *symptomatum* rationem reddere nunc erit difficile: *Appetitus* siquidem *imminutus* debetur liquori gastrico debita crasi non gaudenti, non debite ac blande salino-acido, spirituosum volatilem existenti, sed acrimonia tali salina sylvestri peregrina, inimica, quali totum serum, imprægnato: Neque id mirum; cum ipse ille liquor gastricus, (qua voce libentius, quam fermenti minus congrua uxor) si tum ratio, tum experimenta præcipuè *Bobniana* consulantur, nihil aliud sit, quam ipsissimæ lymphæ portio à glandulosa ventriculi tunica ex arterioso sanguine secreta, & spirituum animalium per nervos copiosè ventriculo implantatos affluxu paullo magis volatilisata & exaltata. *Anxietas* verò illa deducenda à cordis & sanguinis motu per summum illum naturæ conatum immutato, & inæquali reddito, spiritibus

B

anima.

animalibus etiam in motus anormales & tremulos quasi actis, variasque ideas menti offerentibus; quod & in vomendi conatu, in magno terrore, similiq; casu fieri quemyis frequens, & minus plerumq; optata experientia sufficienter potest edocere. Qui illam anxietatem nonnunquam sequitur *sudor*, ille pro re nata, vel citatiori massæ sanguineæ motui, vel fibrillarum & glandularum subcutanearum à spiritibus intro quasi se recipientibus relictarum laxitati, hinc facili serî transmissioni adscribendus, quod posterius in alio quidem casu B. Etmüllero placet. *Oris vero & Faucium* post expergefactionem *siccitas*, quam cum sanis tantum non omnibus, licet non in eodem gradu experiuntur communem, ipsam etiam de qua supra denudationem monstrans, vel salivæ secretioni, ob motum massæ sanguineæ nocturno tempore leniorem aut muscutorum glandulas salivales comprimendum & linguæ motum cessantem, minori, (vid. *Nük. l. c. p. 34.*) vel particulis, quibus serum imbutum est salinis acris calidis, potentialiter, quasi (liceat ita loqui) exiccantibus imputanda.

§. X.

Res porrò causam jam dictam morbi productricem foventes, augentes, exaltantes, sub considerationis incudem omnino vocandæ, in naturales, nonnaturales, & præter naturales dividi solitæ: *Naturales* inter statim occurrit *temperamentum* biliosum, aliquando melancholicum, particularum talium, quales accusavi, fœcunda mater; Juvenilis, potissimum verò virilis *ætas* huic affectui magis est obnoxia, tum propter vitium in diæta accusandum ipsi frequentius, tum propter salium in sero sylvestrium ex tali diæta abundantiam, hincq; serum facilius in orgasmum agendum. *Sexus* uterq; huic aptus est affectui, *Viri* tamen ob illam externam causam frequentius contingentem magis ipsi subjiuntur.

§. X I.

Non naturalium verò rerum, sive Causarum procatacticarum ingentem in morbis producendis vim quis est, qui nesciat? occurrit hic *Aër*, tum vi sua elastica pulmones intrans, sanguini commiscendus, tum exteriorem corporis peripheriam ambiens, nec non cum saliva, cibusq; continuo deglutitus, calidior justo & fervidior

dior modo, sanguinem impetuosius ex agitando, serum attenuando, & apertis simul poris copiosius illud eliminando; modo exhalationibus humidis salibusque variis peregrinis imprægnatus sanguinem similibus particulis inficiendo, huic morbo ansam præbens. Quibus peculiare *astrorum influentia* magni fiunt, (quos inter unum & alterum alias *Philosophia corpusculari* & *Cartesiana* summè additum, esse miror) illi hic quoque iis locum concedunt: an verò præter Solem & Lunam reliqua etiam astra ratione suorum effluviorum motuumve, nec non ratione variarum constellationum, oppositionum, conjunctionum in morborum generatione tantum attendenda sint? non immerito dubitat, qui immensam illorum à terreno globo distantiam consideraverit, nec non ignotam esse in tanta multitudine eorundem naturam, vimque non perceptibilem, & præterea odiosum Astrologorum disensum, experientiasque quas adducunt nimium quantum fallaces cognoverit; quæ omnia accuratissimè tum in Collegiis, tum scriptis publicis excussit *Acad. Altorffin. Decus, Celeberr. Sturmius*, quem haud ita pridem, & *Patronum optimum* & *Præceptorem fidelissimum* sum expertus. Aërem excipiunt cibi calidiores, pingues, sulphureo-salinas particulas nec non acrimoniam sive in se, sive ex conditura & præparatione culinari habentes, sive in corpore demum secreti, mutati, fundentes: *Vinum* austerum, acerbum, particulas multas acidas, acres, sulphureo-salinas, terrestres, impurasque alias in suo fovens sinu: vel generosum etiam optimum & purissimum, in quantitate quam par est, majori, aut tempore incongruo haustum, non solum massam sanguineam exagitans, in effervescentiam agens, portiones balsamicas, blandas roscidas nimis resolvendo, attenuando, deprimendo, liquorem gastricum obtundens, sed & acres exaltans, augens, aliisque modis earum proventui favens: *Vini* item Ω , particulas sulphureo-salinas, oleosas, calidas, concentratas magis possidens, & efficaciores, ob liquoris gastrici suppressionem enervationem ad acrium, acidarum particularum generationem multum conferens. Dicta tam alimenta quam potulenta non solum sero talem imprimunt characterem, dum in sanguinem abeunt, sed & in ipso transitu gulæ aliquid relinquunt. *Motus & quies*, si modum excedant,

ille particulas spirituosas absumendo, & imminuendo, blandas vero & balsamicas attenuando & resolvendo, acrimoniæ forspandens: hæc torporem spiritibus inducendo, dictarum laudabilium particularum productionem impediendo. Quo ferè modo suum quoque conferunt symbolum, *somnus & vigilia*. Sic excernenda varia *retenta*, & retinenda *excreta*, ut & tandem *animi pathemata*, ira cumprimis & terror, quin magnam habeant in dispositione tali, qualem diximus, sanguini inducenda modo agendi ex jam dictis facile eruendo, virtutem, neminem qui dubitet, fore, persuasum habeo. *Præternaturalium* censui, tum in temperies totius, tum subjecti particularis qualiscunque à naturali devians crasis, organisatio, unitatis solutio inferenda.

§. X I I.

Signis multis diagnosticis in hoc affectu opus non est, ipsa ægri relatione in hoc Medicum sublevante; *subjectum* v. illa molestia & irritatio in faucibus & parte scrobiculo cordis superiore, tum conatus iste manifestant: *Causæ* quoque quoad qualitates indolem cum temperamento & causis prægressis ipse sapor materiæ excretæ & siccitas faucium ostendunt. *Ratione Prognoseos affectus* existit in se molestus magis, quam periculosus; quod ad durationem attinet, molestia illa per quadrantem horæ aut paullo ultra durat, ejectaque materia conatus cum anxietate nonnunquam statim, raro interjecta longiori mora cessat. Non pauci per unum & alterum mensem imò & annum, molestum hunc patiuntur affectum, succedente hydrope modo ascite, plerumque tympanitide.

§. X I I I.

Differentias qui sectari vellet, aliquas ab affectus longiori vel breviori duratione, qualitatum item materiæ excretæ intensiorum vel remissiorum ratione desumere posset.

§. X I V.

Nunc ad *curationem* promovens pedem talem ex methodo medendi formo indicationem: *Solutio continui est tollenda, partium consolidatio intendenda; particulae muci ac seri saline acres, &c. sunt infringendæ, corrigendæ; muci etiam defectus restaurandus, & us irritati demulcendi, genusque nervosum iterum solidandum.* Quæ commodè exequetur Medicus per medicamenta *fixiora,*

xiora, absorbentia dicta, & simul nervis dicata: Hæc enim particulis suis terreis, fixioribus, minus mobilibus, spongiosis, porosis, obtusis, mole aliqua & gravitate respectiva gaudentibus tenues, acres, biliosos, sulphureo-salinos, serosos, acidos humores intra poros suos recipiunt, absorbent, imbibunt, saturando corrigunt, angulos spicula & aculeos obtundunt, diffringunt, impetum, rarefactionem, æstum & effervescentiam interpositione sua & mole componunt, spiritus animales turbatos sedant, compescunt irritatos, furibundos placant, nervosas partes roborant, inque priorem placidum statum omnia redigunt, quo facto etiam sero debitus restituitur circulus, & partium continuïtas soluta coalescit. His jungenda humectantia, diluentia, demulcentia, & alia, quæ vel aqueis particulis, vel glutinosis, mucilaginosiis, balsamicis, roscidis, emplasticis quasi, lævibus, hamatis, viscidis particulas supra dictas peregrinas diluunt, temperant, vel inviscant, in motu suo impediunt, aculeos sibi implicatos retundunt, tenuitatem incrassando corrigunt, muci blandi succedaneum suppeditant, ipsiusque irritantis abstersionem juvant, & continui solutionem tollunt. Possunt autem ad obtinendas dictas intentiones ex Materiæ Medicæ nostro præsertim seculo locuplete penu varia desumi, quæ inter usitatiora sunt C. C. phil. calc. ust. preparat. Cran. bom. phil. calc. C. alc. phil. calc. Ungul. alc. preparat. ʒ. diaphoret. oc. 69. preparat. Corall. r. preparat. crystall. preparat. ʒ. nativ. Unicorn. fossil. Bol. arm. preparat. croc. ʒ. Conf. ros. damasc. r. rad. cichor. nymph. acetosell. pap. errat. pulp. citr. condit. miv. cydonior. condit. Syr. de alth. Fernel. e ros. sicc. pap. simpl. pap. errat. acetos. acetosell. granator. rub. id. Aq. ex dictis destillatæ & aliæ appropriatæ. Theriac. Cœlest. Extr. pap. errat. Formulæ qui delectatur, sequentes sibi habeat:

Rx. C. alc. phil. calc.

C. phil. calc.

Corall. r. preparat.

Unicorn. fossil. an. ʒß.

ʒ. nativ. gr. viij.

Misc. F. Pulv.

Cujus dosi ʒß. cum seq. vehiculo.

℞. *Aq. nymph.*

pap. errat.

senecii an. ℥j ℞.

Syr. e. ros. sicc.

acetosell. an. ℥iij.

Misc. det.

℞. *Cons ros. r.*

rad. cichor.

pap. errat. an. ℥℞.

pulp. citr. condit. ℥iij.

Syr. granator.

de alth. Fernel. a. q. s.

F. Electuarius.

℞. *Extr. pap. errat.*

Theriac. Cœlest. an. gr. iij.

Misc. F. pil. n. v i.

dentur pro i. dosi.

Julapia etiam vel cum *aqua* communi, vel cum *aquis destillatis* cum *Syrupis* dictis confici possunt; Serum ad debitam crasin, texturam ac saporem reducet usus longior *jusculorum acetosa*, *spinchia*, *fragaria* recentibus *alteratorum*. Liberum interea unicuique est, hæc vel similia in usum ducere; nec iisdem quoque semper *formularum* generibus pertinacius inhærendum, sed *tempori* interdum, nonnunquam *ægri* quoque genio & voluntati aliquid indulgendum, cum alius *pilulis* delectetur, alius *pulverem* solum, alius cum *aquis* & *syrupis* permixtum lubentius assumat, alius vero *delicior electuaria*, *rotulas*, & similia præ omnibus exoptet. Mutare autem compositiones, & ægro cuivis, (fiat tamen sine ejus noxa) satisfacere, proque ipsius lubitu sub hac modo, modo sub alia forma medicamenta offerre, nemini *judicio Practico* instructo erit difficile. Nec *acidularum* potus circumstantiis aliis debite ponderatis inutilis est. *Universalis* sive per superius sive per inferius guttur, sive per renum canaliculos, sive per cutis reticulares ductus educentia cur hic omittam? quærenti repono, affectui particulari dicta opponi debere remedia; cum autem sanguinea massa aut serum heterogeneis inquinatum est particulis, indicata dicta, nullis præsentibus prohibentibus, exequenda sunt. §. XV.

§. X V.

Ex *Chirurgia* quid sperandum auxilii, si feri quantitas affectu pertinaci existente per vesicatoria fonticulosvè (absque ulla ratione hodie quibusdam, qui tædiosiores quam utiles, frustraneos penitus & è Medicina eliminandos illos argumentis utut minùs validis dicunt, pessimè audientes) imminuatur, aut aliorum derivetur.

§. X V I.

Tanto autem magis perquam erit necessarium *diætæ* accuratum regimen, ut nempè vitetur *aëris* quæcunque præ omnibus tamen calidior & ficior in temperies, ut abstineat inprimis patiens à *cibis* nimis calidis acribus salino-sulphureis, nimium conditis & aromatizatis imò quæcunque sive in se sive ex conditura acrimoniam habentibus; ut *Vinum* mediocre, modice, nec plus quam quantum necessitas postulat, debito insuper tempore, minime jejuno stomacho, vel loco hujus etiam *decoctum* quoddam congruum, vel vinum simili decocto dilutum hauriat, *spiritus vini* usum tantum non penitus omittat, istamque pravam illo nimium utendi consuetudinem sensim sensimque aboleat; in *motu* & *quiete*, *somno* item ac *vigiliis* nullibi modum excedat: ut *excretorum* & *retentorum* consuetudo & naturalis servetur constitutio, & tandem ubi *animi pathemata ira* cum primis *tristitia* & similia ingruunt, non cæco naturæ impetui, sed rectæ rationis potius dictamini mos geratur.

I.

A Nne *gulam* curas, GEUDER, qui voce *gulosus*,
Non re, perque *gulam* dejicis absque *gulâ*?
Sic est: non dapibus cum sis, sed in arte *gulosus*,
Exque *gulâ* { clarus redderis } absque *gulâ*.
 { Doctor diceris }

Nobil. & Præclariss. DN. Candidato, suo
hactenus Commensali suavissimo

Imq. p.

Georg. Henricus Häberlin / D.

I I.

IN tenui chartâ *profundere cuncta videris:*
 Non tamen es *Geuder / pectore plura tenes.*
Nobil. & Clariss. Dn. Candidato
cum voto omnigenæ prosperitatis
scrips.

P R Æ S E S.

I I I.

DOctos docta decent: Qui gaudes *indole rarâ,*
 Jure Tuo calamo *doctrinâ* quippe referto
Rarâ materiem perraram subjicis hancce,
 Et scripto egregio das satque superque probatum,
Præmia quod summa & summos merearis honores,
Sacrâ in Apollinis Arte. Tuis Dominator Olympi
 Donet conatus porro successibus almis!

Nobiliss. atq; Clariss. Dn. Licentiato, alteri Damoni suo, paucula
hæc volanti crenâ invitâq; Minerva Altorffio Nori-
corum gratulabundus transmisit

Joh. Georgius Zapf / Erfurtô Thur. Med. Stud.

I V.

GRatuler, an doleam potius, non exputo, nî Tu
 Quid faciam tandem, *Dulcis Amice,* mones.
 Veri plus faveam nostrum, id quoque nescio, cum sis
Alter ego, ô mihi me charior, alter ego,
 Hoc scio; gratari pariter, pariterque dolere
 Vix me posse unum, sed puto posse duos.
 Si placet ergo, isthæc mecum nunc divide: sicut
 Me miserum in partes dividis, ecce, duas,
 Nam quia discessu tristi divelleris à me,
 Divelli medium sentis & ipse mei,
 Quin igitur, quin tu, ut par est, mea damna meamque
 Iam dudum instituis, quaeso, dolere vicem.
 Si facies, ego mox etiam gratabor honores
 Qui nunc, & qui Te forte deinde manent.
 Tu meminisse tamen digneris *Amicus Amici,*
Dimidiq; Tui Dimidium ipse mei,

In Amicitiaæ sinceræ, plusquam fraternæ, & nunquam inter-
 moritura tesseram posuit

Georg - Andreas Schloßberg / Eßlingensise

F I N I S.